

BAB V

KACINDEKAN JEUNG SARAN

5.1 Kacindekan

Luyu jeung tujuan ieu panalungtikan, tina hasil analisis data bisa dicindekkeun ngeunaan pangaruh makéna basa indung kana préstasi diajar nulis surat pribadi basa Sunda siswa kelas VIII SMP Negeri 3 Lembang. Di antarana saperti ieu di handap.

- 1) Basa anu digunakeun ku siswa kelas VIII SMP Negeri 3 Lembang lolobana nya éta basa Sunda, salian ti basa Indonesia jeung basa Campuran Sunda-Indonesia.
- 2) Préstasi diajar nulis surat pribadi basa Sunda siswa kelas VIII SMP Negeri 3 Lembang kaasup kana katégori leuwih ticukup, sabab 75% tina 40 urang siswa lulus tur meunang peunteun 7,33 ka luhur.
- 3) Aya hubungan anu signifikan antara basa nu digunakeun ku siswa kana préstasi diajar nulis surat pribadi basa Sunda siswa kelas VIII SMP Negeri 3 Lembang, alatan hipotésisna bisa dibuktikeun. Hartina aya korélasi anu signifikan antara basa nu digunakeun ku siswa kana préstasi diajar nulis surat pribadi basa Sunda siswa kelas VIII SMP Negeri 3 Lembang.

5.2 Saran

Dumasar kana ieu panalungtikan, aya sawatara saran pikeun ngaronjatkeun préstasi diajar nulis surat pribadi basa Sunda siswa kelas VIII SMP Negeri 3 Lembang, di antarana saperti ieu di handap.

- 1) Sangkan basa Sunda teu leungit, mangka basa Sunda kudu tetep digunakeun salaku alat komunikasi sapopoé. Hususna di lingkungan kulawarga, budak kudu dibiasakeun ngagunakeun basa sunda salaku alat komunikasina kitu deui di lingkungan sakola salaku lembaga.

- 2) Peunteun rata-rata préstasi diajar nulis surat pribadi basa Sunda siswa SMP Negeri 3 Lembang aya dina katégori leuwih ticukup, ku kituna guru dipiharep bisa ngahudang atawa ngaronjatkeun minat jeung kamampuh siswa dina widang pangajaran basa Sunda hususna pangajaran nulis surat pribadi sangkan bisa ngaronjatkeun deui préstasi diajar nulisna.
- 3) Ieu hal téh kacida gedé mangpaatna pikeun sakabéh lembaga boh lembaga formal boh lembaga informal. Ku kituna dipiharep aya panalungtikan anu leuwih lega jeung jero ambahanana.

